

Guangjisi Minzcu Bau

ganbhau: CN45-0036 B.2016 Nd.11 Ng.2 liggaueq bingjsaen nienz ndwencib cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3247期

Vanzgyangh: Song Aen Gyagiengz Doihengz Hong Vahcuengh Sawcuengh

环江:两个加强推行壮语文工作

Vih ndeindei sawjungh、bauj-hoh caeuq doihengz hong Vahcuengh Sawcuengh, Vanzgyangh Mauznanzcuz Swciyen Minzyijgiz yungh song aen banhfap gaenxmaenx cauhoq, hawj hong doihengz ndaej miz bouhloh guh.

It dwg gyagiengz hong Sawcuengh haeuj hagdangz. Gaenh bi neix daeuj, aen giz neix boiqhab gyaayuz cawjguenj bumwnz guh ndei hong guenjieix sonhag Cuengh Gun song saw vah. Cujciz mizgven vunz ciuq guhhong cizcwz caeuq dajveh, ciengz-seiz daengz Sawcuengh sawqdiemj hagdangz saeddeih cazyawj, roxyiuj gij soqmoeg hagseng Sawcuengh sawq-

diemj hagdangz, dangzgoq Cuengh Gun song saw vah baenzlawz laeb caeuq lauxsae boiqbwh nem baenzlawz haiguh daengj cingzgvang, gyagiengz gyamaenh Sawcuengh haeuj hagdangz aen yienh neix.

Ngeih dwg gyagiengz guh hong doihengz Sawcuengh. Aen giz neix cujyau gaem ndei hong gihgvanh swyez danhvei baiz fapdingh, baizroen, baizceijroen daengj yungh Cuengh Gun song cungj saw sij. Cujciz haiguh hong guenjieix haedyawj, gveihfan hingz-cwng swyez danhvei baiz fapdingh yungh Cuengh Gun song cungj saw. Seizneix, aen yienh niex ndaw singz

hingzcwng danhvei baiz fapdingh yungh Cuengh Gun song cungj saw sij danhvei fapdingh mingzcoh miz 252 gaiq, gaenq venj baiz miz 247 gaiq, ciemq wnggai venj baiz soqmoeg 98%. Ndaw singz baizceijroen hix gihbwnj yungh Cuengh Gun song cungj saw.

Doenggvaq caux ok heiqfaenh, gyagiengz doigvangq gvaenglaengx yungh Sawcuengh, daezsang gij yisiz gyoengqvunz yungh Vahcuengh Sawcuengh, vih coglaeng hong vatcimh, baujhoh caeuq swnjcienz saw vah siujsoq minzcuz dwkroengz giekdaej maenhndei.

(Danz Su'myauz/谭素苗)

Gunghewngz: Minzcuz Dijyuz Mizyx Doxdax Hozdung Yinx Hekyouz Yawjngonz Daejniemh



恭城:民族体育趣味竞技活动吸引游客参观体验

10 nyied 29 hauh, Hungz-nganz Cunh Gunghewngz Yauzcuz Swciyen youq ndaw suen makndae banh aen cawjdaez dwg "suen makndae fungsou" doengjit cansen minzcuz dijyuz mizyx doxdax hozdung, yinx ndaej haujlai hekyouz caeuq bouxyawz ingjsiengq daeuj yawjngonz daejniemh. Baez doxdax neix miz genj makndae doxdax, ringx gengxdiet doxdax, bau aendomq doxdax nem haizgieg raez doxdax daengj, yinx ndaej haujlai bouxyawj hix bae camgya. Ndaw doz dwg vunzmbanj cingq guh bau aendomq doxdax.

(Liengz Veih/梁辉 Cinz Linz/陈林)

Canghfwen Denzlinz Denzyangz Caemh Daiz Ciengq Seveicujyi Hwzsinh Gyacizgvanh

田林田阳两县壮族山歌手同台演唱社会主义核心价值观

Mboengqneix, Denzlinz Yen caeuq Denzyangz Yen lienzhab youq Denzyangz Yen Denzcouh Gujcwngz banh song yienh Fwencuengh lien-vuen vanjvei, gyoengq canghfwen Denzlinz Yen caeuq gyoengq canghfwen Denzyangz Yen caemh daiz yienj heiq, yungh Fwencuengh nyuenz miz neix ciengqyiengj seveicujyi hwzsinh gyacizgvanh, danqciengq minzcuz doxgiat cinbu.

Yaem'wenq Fwencuengh ndeidingq goksadsad, hawj bouxyawj roxyinh gij cingz beksingq Mbanjcuengh yiedcingz gyaenz hek. Hoihfwen cienzboh yungh Vahcuengh ciengq,

miz doiq fwen, siujcuj ciengq, habciengq daengj lai cungj hingzsiq, faenbaenz hauqswnh, aeueiq, sim-unq, sienh seiq aen biencieng.

Gij fwen 《Gamjdoengh Vunz》《ndiepgyaez》《Hauqsim》daengj cezmuzyouy canghfwen Denzyangz Yen ciengq haenx, langhbaiz le beksingq Mbanjcuengh maqmuengh saedceij gyaundeih coglaeng. Canghfwen Denzlinz Yen ciengq gij fwen 《Aeueiq Bouxlaux》《Cingqheiq》《Gekleiz Doxndei》aeu seveicujyi hwzsinh gyacizgvanh yungzhaeuj ndaw fwen bae, caux ok le gij heiqfaenh ndei daengz gwnzbiengz

gingq daudwz gangj swnzsienh. Daengz daiz vanjvei yienh'ok gij gyacizgvanh caeuq gij cingsaenz gyaenz guek beksingq Bouxcuengh, ndaej daengz bouxyawj bekwngz haenh.

Baez hoihfwen lienzvuen hozdung neix, coicaenh Denzlinz, Denzyangz song yienh doxgyau yisuz vwnzva Fwencuengh, doidoengh vatcimh baujhoh caeuq swnjcienz hwngfat dieg minzcuz vwnzva maenhndei, doengz-seiz demlai song aen yienh gak cuz beksingq baedauq, doxgyau, doxyungz.

(Banh Sauginh/潘少君)

SIUSIK DINJ

简讯

● Mboengqneix, Dwzbaui Yen ndaej Swcigih Vwnzlenz ancoh baenz aen cwnghueh ndei "Guengjsae aen mbanj vwnzyi daegsaek" (aen mbanj Heiqcuengh, aen mbanj fwen),ciuq cam rox, vih caenh'itbous swnjcienz vwnzva conzdungj maenhndei, gungganq dajcauh Guengjsae daegsaek vwnzyi binjbaiz, doicaenh Guengjsae vwnzyi hoenghvuengh hwngfat, bi 2016, Swcigih Vwnzlenz yieingq daengx gih gak yienh(si, gih) cujciiz haiguh hong bingz-sen ancoh Guengjsae aen mbanj vwnzyi daegsaek.

(Nungz Yungjfang)

● Bineix Yungzsuij Dalang Cin cungfaen leihyungh gijndei swhyenz dangdieg, sonyinx ranzungzhoy hwngfat ndoengfaex dajciengx, byaek byasang, ndaem ywdoj daengj canjnieb, doenggvaq gij fuengsik "it mbanj it yieingh" haenqrengz bangfuz hwngfat bouxguhnaz conhyez dogap cujciiz, bang gajgez gij hojnanz ngaenzcienz, gisuz, hawciengz siugai daengj ranzungzhoy youq guhhong seiz bungz daengz haenx, unglab daegsaek binjbaiz, bangcoh bouxguhnaz gungzhoy vut gungz.

(Veiz Swyouz)

● Daj bi 2013 doxdaeuj, Bingzgoj Yen nyinhcaen lozsiz baihsae daih haifat suiqsou cwngcwz, gyoepsuenq vih Bingzgoj Yen Singznanz Bakuq Youjhan Gunghsw, Guengjsae Bingzgoj Lajmbanj Hozcoz Ngaenzhangz daengj 6 aen giyez gemjmiex giyez sojdwzsui 3309 fanh maenz, hawj ik hawsingz giekdaej sezsih, ginhyungz caeuq sanghvu fuzvu daengj hangznieb. Baihsae daih haifat suiqsou youhvei cwngcwz vih giyez daiqdaej leih'ik, gemjmiex suiq hoengzleih baenz gij doenghlig gunghsw hwngfat.

(Vuz Anhingh)

● 10 nyied 27 hauh, gaiq daeuz Guengjsae citheiq baiyienj youq Ginhcouh Si yienj sat. 35 ciengz yienjok dawz mbanj feihyiz vwnzva Guengjsae buen hwnj gwnz daizheiq yienj, ndaej daengz bouxyawj angqcoux, youh ndaej gunghawj daihlaeng yenzgiu caeuq hagsib.

(Cangh Ailinz)